



BOSNIA AND HERZEGOVINA
Ministry of Human Rights and Refugees

Broj: JN-01-16-4-21-8/24

Datum: 08.07. 2024. godine

Ministar za ljudska prava i izbjeglice Bosne i Hercegovine, na osnovu člana 55. Zakona o upravi („Službeni glasnik BiH“, broj 32/02 i 102/09) i člana 25, člana 64. stav (1) tačka b) i člana 70. stav (1), (2), (3) i (6) Zakona o javnim nabavkama („Službeni glasnik BiH“, broj: 39/14 i 59/22), na Preporuku Komisije za nabavke, broj: JN-01-16-4-21-6/24 od 1. 7. 2024. godine, u postupku nabavke licenci i podrške za opremu proizvođača „HP“, „Fortinet“ i „Cisco“, donosi sljedeću:

ODLUKU
o izboru najpovoljnijeg ponuđača
za nabavku licenci i podrške za opremu proizvođača „HP“, „Fortinet“ i „Cisco“

Član 1.

Prihvata se Preporuka Komisije za nabavke, broj: JN-01-16-4-21-6/24 od 1. 7. 2024. godine i Ugovor za nabavku licenci i podrške za opremu proizvođača „HP“, „Fortinet“ i „Cisco“ zaključi sa ponuđačem Konzorcijum Lanaco d.o.o. Banja Luka – Imel d.o.o. Lukavac, ul. Veljka Mladenovića bb, 78 000 Banja Luka, koji je dostavio ponudu broj: PO-03-1440/24 od 11. 6. 2024. godine, sa ukupnom cijenom sa popustom bez PDV-a u iznosu od 153.837,00 KM, odnosno za ukupnu cijenu sa popustom i sa PDV-om u iznosu od 179.989,29 KM, kao najpovoljnijim ponuđačem.

Član 2.

Konzorcijum Lanaco d.o.o. Banja Luka – Imel d.o.o. Lukavac je u sklopu ponude dostavio dokaze iz člana 45. stav (1) tačkara a), b), c) i d) i člana 47. stav (1) tačka c) Zakona o javnim nabavkama, ovjerene od strane nadležnog organa, za oba člana konzorcija.

Član 3.

Ugovor za nabavku licenci i podrške za opremu proizvođača „HP“, „Fortinet“ i „Cisco“ će se zaključiti sa izabranim ponuđačem Konzorcijum Lanaco d.o.o. Banja Luka – Imel d.o.o. Lukavac u skladu sa nacrtom ugovora iz tenderske dokumentacije.

Izabrani dobavljač je dužan dostaviti garanciju za uredno izvršenje ugovora u roku od 10 dana od dana obostranog potpisivanja ugovora, a u skladu sa Aneksom XI i Aneksom XII TD.

Nosilac konzorcija Lanaco d.o.o. Banja Luka je ovlašten predstavnika Konzorcijuma Lanaco d.o.o. Banja Luka – Imel d.o.o. Lukavac, za učešće u postupku javne nabavke, za komunikaciju i za zaključenje ugovora.

Član 4.

Ova Odluka će se objaviti na web stranici Ministarstva (www.mhrr.gov.ba), istovremeno sa upućivanjem ponuđaču koji je sudjelovao u postupku javne nabavke, u skladu sa članom 70. stav (6) Zakona o javnim nabavkama.

Član 5.

Za izvršenje ove Odluke se ovlašćuje i zadužuje Sektor za opšte, pravne i finansijsko-materijalne poslove Ministarstva za ljudska prava i izbjeglice Bosne i Hercegovine.

Član 6.

Ova Odluka stupa na snagu danom donošenja.

Obrazloženje

Postupak javne nabavke pokrenut je Odlukom o pokretanju postupka javne nabavke nabavke licenci i podrške za opremu proizvođača „HP“, „Fortinet“ i „Cisco“, broj: JN-01-16-4-21-1/24 od 20. 5. 2024. godine. Javna nabavka je provedena putem Otvorenog postupka za javnu nabavku licenci i podrške za opremu proizvođača „HP“, „Fortinet“ i „Cisco“. Procijenjena vrijedost javne nabavke je 153.846,15 KM bez PDV-a, odnosno 180.000,00 KM sa PDV-om. Obavještenje o nabavci, broj: 679-1-2-24-3-32/24 objavljeno je na Portalu javnih nabavki dana 20. 5. 2024. godine i u Službenom glasniku BiH, broj: 36/24 dana 24. 5. 2024. godine. Komisija za nabavke je imenovana Odlukom o imenovanju broj: 01-16-4-201-1/24 od 24. 1. 2024. godine i Odlukom o izmjeni Odluke o imenovanju Komisije za nabavke broj: 01-16-4-201-2/24 od 5. 2. 2024. godine.

Komisija za nabavke dostavila je ugovornom organu, ministru za ljudska prava i izbjeglice BiH Zapisnik o pregledu i ocjeni ponuda, broj: JN-01-16-4-21-5/24 od 1. 7. 2024. godine, Preporuku o izboru najpovoljnijeg ponuđača, broj: JN-01-16-4-21-6/24 od 1. 7. 2024. godine i Izvještaj o radu broj: JN-01-16-4-21-7/24 od 1. 7. 2024. godine u postupku javne nabavke licenci i podrške za opremu proizvođača „HP“, „Fortinet“ i „Cisco“.

U postupku po Izvještaju o radu utvrđeno je da je Komisija za nabavke blagovremeno i pravilno izvršila otvaranje, pregled i ocjenu prispijelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je u predmetnom postupku zaprimljena jedna (1) ponuda;
- da je blagovremeno zaprimljena jedna (1) ponuda;
- da nije bilo neblagovremeno zaprimljenih ponuda;
- da je ponuda ponuđača Konzorcijuma Lanaco d.o.o. Banja Luka – Imel d.o.o. Lukavac kvalifikovana i prihvatljiva, dostavljeni su svi traženi dokazi propisani tenderskom dokumentacijom, na propisan način.

U skladu sa Pravilnikom o uslovima i načinu korištenja e-aukcije u slučaju samo jedne prihvatljive ponude e-aukcija se ne može zakazati.

U postupku donošenja ove Odluke posebno su cijenjene činjenice da je Komisija za nabavke pravilno i potpuno izvršila ocjenu kvalifikovanosti ponuđača i pregled i ocjenu ponude, u skladu sa kriterijima iz Tenderske dokumentacije.

U postupku ocjene provedenog postupka ministar za ljudska prava i izbjeglice Bosne i Hercegovine nije našao razloge, nepravilnosti, niti propuste u radu, koji bi eventualno bili osnov za neprihvatanje preporuke Komisije za nabavke.

Naime, u postupku je ocijenjeno da je Komisija za nabavke u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Tenderskom dokumentacijom.

Uvidom u priloženu dokumentaciju, nesporno je da je izabrani ponuđač najbolje ocijenjen zbog kriterija: „najniže cijene“ utvrđenog u Obavještenju o nabavci i Tenderskoj dokumentaciji.

Naziv i sjedište ponuđača		Kriterij - najniža cijena (Ukupna cijena ponude sa popustom bez PDV-a)
1.	Konzorcijum Lanaco d.o.o. Banja Luka i Imel d.o.o. Lukavac	153.837,00 KM

Na osnovu naprijed navedenog, a u skladu sa članom 64. stav (1) tačka b) Zakona o javnim nabavkama, odlučeno je kao u članu 1. ove Odluke.

POUKA O PRAVNOM LIJEKU:

Protiv ove Odluke može se izjaviti žalba Ugovornom organu, najkasnije u roku od 10 (deset) dana od dana prijema ove Odluke.

MINISTAR

dr Sevlid Hurtić



Dostaviti:

- Ponudaču,
- Sektoru za opšte, pravne i finansijsko-materijalne poslove,
- a/a.